

Nove žrtve u Siriji: 48 poginulih

5 februar 2012 Izmijenjeno 09:42 CET

U sukobima u Siriji poginulo je u subotu 48 osoba, među kojima 24 civila i 18 vojnika regularne vojske



Šest osoba je izgubilo život u pucnjavi u Idlebu, blizu turske granice [AFP/Getty]

U sukobima u Siriji poginulo je u subotu 48 osoba, među kojima 24 civila i 18 vojnika regularne vojske, saopćio je u noći na nedjelju Sirijski opservatorij za ljudska prava (OSDH). U sukobima su poginula i šesterica dezertera, po tom priopćenju OSDH-a. "Dvanaest civila je izgubilo život, a 30 je ranjeno u Daraji, kada su sigurnosne snage zapucale na učesnike pokopa žrtava ubijenih dan ranije u istome gradu", dvadesetak kilometara južno od sirijske prijestonice, izjavio je nešto ranije predsjednik OSDH-a Rami Abdel Rahman. "U Daraji su raspoređene vrlo jake sigurnosne snage. Uz podršku snajperista i oklopnih vozila, nasumice su zapucali na pogrebnu povorku, ubivši 12 i ranivši veći broj ljudi", rekao je pak Usama al-Shami, član Mjesnog koordinacijskog odbora (LCC) u Damasku, skupine koja organizira proteste.

Ovo su nove žrtve, pošto je više od 230 civila poginulo u bombardiranju režimskih snaga u noći na subotu u Homsu.

U istoj pokrajini Damasku dvoje civila je poginulo u Dmeiru, a jedno je dijete ubijeno u Muadamiji, navodi OSDH. Šest osoba je izgubilo život u pucnjavi u Idlebu, blizu turske granice, dodaje organizacija, prenosi Hina. Ovo su nove žrtve, pošto je više od 230 civila poginulo u bombardiranju režimskih snaga u noći na subotu u Homsu, u središtu Sirije, izvijestili su aktivisti. Sirijske vlasti niječu bombardiranje Homsa i odgovornost pripisuju "naoružanim skupinama", što ponavljaju od početka protesta. Informacije je teško potvrditi iz neovisnog izvora, zbog zabrana koje su na snazi za strane medije, ali ako su podaci o broju mrtvih tačni, riječ je o najvećem broju žrtava u jednom danu od kako je u martu 2011. Godine počela pobuna protiv režima sirijskog predsjednika Bashara al-Assada.

Izvor: Al Jazeera